

REFERAT US - Utoqqaat siunnersuisoqatigiiffiat d. 28-11-2023

Mødedato Tirsdag d. 28. november 2023 kl. 18:00

Mødested Kommunalbestyrelsep ataatsimiittarfia

Indholdsfortegnelse

Imaqarniliaq.....	3
-------------------	---

Punkt .: Imaqarniliaq

Utoqqaat pillugit Siunnersuisoqatigiit ataatsimiinneranniit imaqarniliaq

*Marlungorneq ulloq 28. novembari, nal. 15:00.
Sumi: Suliffeqarnermut Isumaginninnermullu Ingerlatsivik*

Oqaluuserisassat:

1. Oqaluuserisassat akuerineqarnerat

Oqaluuserisassat akuersissutigineqarput. Oqaluuserisassatut ilassutissatut immikkut ittumik Kirsten Holm aammalu Jakob Thorsen qaqikkusutai akuersissutigineqarput.

Ataatsimiinnermi Utoqqaat pillugit Siunnersuisoqatigiit siulittaasuata kissaatigaa ataatsimiititaliamik ataatsimeeqateqarnissami siunnersuisoqatigiinnit siunnersuutitut apuunneqartussat aalajangersaavigineqarnissaat salliutinneqassasoq.

Aalajangerneqarpoq kommunip utoqqarnut politikkia kingusinnerulaartukkut qaqeqqinneqarumaartoq.

2. Ilisimatitseqatigiinneq

2.1 Siulittaasumit

2.1.1 Utoqqarnik misissuineq

Utoqqaat pillugit Siunnersuisoqatigiit siulittaasuata ilisimatitsissutigaa utoqqaat atugarisaannik misissuinnermi apersuinnermut akissutininik nassiussinissamut ulloq killigitinneqartoq tassaasoq 15. decembari 2023.

Tusagassiutitigut nalunaarutit

Utoqqarnik misissuineq pillugu tusagassiutitigut nalunaarut Kommuneqarfik Sermersooq nittartaaganut ikkunneqarnikuuvoq.

Tamatumalu kingunerisaanik Utoqqaat pillugit Siunnersuisoqatigiit siulittaasuat AG-mit apersoneqarumasimavoq, tamannalu AGp avisiyani aamma Nuuk Ugeavis-imi saqqummiunneqarpoq. Taamatutaaq Utoqqaat pillugit



Siunnersuisoqatigiinni siulittaasoq aammalu siulittaasup tullia KNR-ip aallakaatittagaani ILLEQ-mi toqqaannartumik 21.11.2023 peqataatinneqarput.

2.1.2 Naapeqatigiittarnissaq

Utoqqaat pillugit Siunnersuisoqatigiit siulittaasuata ilisimatitsissutigaa ataatsimiititaliamit siulittaasoq kaffisoqatigilaarlugu killiffissioqatigalugulu isummersoqatigilaartarnissaanut naapeqatigiittarneq aallartilersoq.

2.2 Ingerlatsivimmit

2024-imi suliat pitsaassusissaata allaaserineqarneri

Utoqqarnut Sullissiveqarfimmiit fagchef-i ilisimatitsissutigaa kommunalbestyrelsimi 2024-imi suliat pitsaassusissaata utoqqarnut tunngasut allaaserineqarneri akuersissutigineqartut.

Sanaartugassatut kissaatigisat

Utoqqarnut Sullissiveqarfimmiit fagchef-ip ilisimatitsissutigivai Kommuneqarfik Sermersuumi sanaartorneqartussat pilersaarutigineqartut aningaasaliiffigineqareertullu utoqqarnut attuumassutillit.

2.3 Allanit

Utoqqaat peqatigiit

Utoqqaat pillugit Siunnersuisoqatigiit siulittaasuata tulliata ilisimatitsissutigaa utoqqaat peqatigiit oqaatigisimagaat borgmester-imut allakkatigut saaffiginnittaraluarnertik akissutissarsissanatillu.

Utoqqaat pillugit Siunnersuisoqatigiit siunnersuutigaat utoqqaat peqatigiit borgmester-imik ataatsimeeqateqarnissamut immersugassaq immersorsinnaagaat, saaffiginnissutaannullu akissuteqarnissaq kissaatiginartuutillugu.

3. Oqaluuserisassat

3.1.1 Kommuneqarfik Sermersuumi Utoqqaat pillugit politikki

Aalajangerneqarpoq kommunip utoqqarnut politikkia kingusinnerulaartukkut qaqeqqinneqarumaartoq.

3.1.2 SIA-mik ataatsimeeqateqarnissamut siunnersuutigerusutat

Utoqqaat pillugit Siunnersuisoqatigiit ataatsimiinnerminni eqqartorpaat suut ataatsimiititaliamut pingaarnertut ingerlateqqikkusussinnaanerlugit.



Utoqqaat pillugit Siunnersuisoqatigiit aalajangerput ukua qulequttat pingaarnertut ataatsimiititaliamut ingerlateqqinneqassasut:

1. Utoqqaat illuini sulisussaaleqisarneq

Tassani pineqarpoq ataatsimiititaliaq nutaamik eqqarsartariaaseqarluni isummersoqatigiinnissaat suut iliuuserineqarsinnaanersut sulisussaaleqisarneq annikillisarniarlugu.

Allaaserinnittussatut akisussaasoq: Kirsten Holm.

2. Ineqarnermut tunngasoq – Utoqqarnut aserfallatsaanermut tapiiffigineqartarneq

Tassani pineqarpoq utoqqarnut erseqqaarissumik paasisutissiisoqassasoq, suut aningaasatigut utoqqarnut aserfallatsaaliinermut tunngasunik tapiiffigineqarsinnaanersut. Tassani utoqqaat kisimiittut pineqarput, soorlu angerlarsimaffiminni namminneq najugallit (utoqqaat angerlarsimaffiinni ataatsimoorussani najugaqanngitsut). Ajornartorsiulernermi aningaasatigut utoqqaat taperneqartarnissaanut tunngasuvoq. Utoqqarnut erseqqissarneqarnissaa tapiissutit assigiinngitsut, soorlu tapiisarneq taarsigassartalimmik, tapiisarnerlu taarsigassartaqanngitsaq.

Allaaserinnittussatut akisussaasut: Jakob Thorsen aammalu Birte Nielsen.

3. Ineqarnermut tunngasut – Utoqqarnut ineqartitsineq

Isumaginninnermut sulisoqarnermullu naalackersuisoqarfimmiit nalunaarusiortoqarnerani saqqummerpoq utoqqarnut ineqartitsiniarnermut tunngasut. Tassani saqqummerpoq Kommuneqarfik Sermersuumi utoqqarnut ineqartitsiniarneq pillugu annertuumik kinguaattooqqasoqartoq.

Allaaserinnittussatut akisussaasoq: Marianne Jensen

Utoqqaat pillugit Siunnersuisoqatigiit aalajangerput allaaserineri kingusinnerpaamik ukioq naatinngagu allaffeqarfirmut nassiunneqassasut.

4. Taasariaqartut allat

Soqanngilaq.

